

蒙人易虐蒙人亦易懷崇宗客巴之教以弱其種又禁習漢  
文以塞其智世治則無詐無虞渾噩者不能爲患世衰則貪  
庸競進邊吏僥倖營利很戾恣盱若割羊豕夫牛馬之賤糶  
之急則憤轅狐兔之微持之急則反噬嗟乎蒙固人也夏先  
后之苗裔吾同胞也顧忍而爲此雖然饑者易食渴者易飲  
苟得仁賢長官爲之黜貪殘謀樂利但能轉移一二事卽能  
化怨很以爲悅服然明却路羌酋革心張軌去官諸戎齎面  
古事今情詎有異焉

鍾岱奉

大總統命令慰問卓索圖盟蒙古而適有綏東縣一事爲之  
辨其是非理其冤抑其人至持之而泣又爲之諷經祈福去

殘止暴亦使者之職宜然而蒙情若此因以知庫藏之携其  
造端亦由於官吏反命後即條上治本治標二策治標爲慎  
選廉謹之吏以和其人治本則不外因其地以爲教養而已  
事實無足觀而即此例彼或有足資鑒戒者反而求之庶有  
濟乎敢質之籌國君子

陸鍾岱啟

呈

國務院  
蒙藏局

公函

敬啟者 鍾岱 於本月十五日行抵熱河當即與熱河都統及熱河道討論各蒙現在情形據言開魯失守綏建朝赤等處相繼戒嚴等語昨已由電密陳查開魯事變原因係由庫倫獨立遣人到處煽惑蒙匪圖們爾吉糾合多人乘機擾亂而所過之處不分蒙漢一律焚殺淫掠純係金錢主義寇盜行為若不趕緊勦滅深慮蔓延日久擾及全蒙且恐蒙漢人民彼此誤會致啟仇殺之釁防不勝防勦不勝勦尤難收拾現在熱河都統屢經文電請兵情事急迫勢難延緩所有派往軍隊急宜速飭開拔前進以期早日恢復庶可維持全蒙大

局

鍾岱

一面刊刻告示佈告慰問之意一面與熱河都統及

本地士紳商定由熱河都統出示曉諭蒙漢人民告以此次

用兵專剿亂匪並無種族之見以冀隱相消弭

鍾岱

即於十

八日由熱河起程前進以盡慰問事宜如所經附近地方遇

有戰事

鍾岱

竊願會同前往軍前効力俟有

命令准飭前往卽當遵行慰問告示乙紙附呈垂察敬請

公安

卓索圖蒙旗慰問陸

爲

佈告事照得

大總統敬問諸同胞好因蒙古本是夏禹王少子淳維所封之地是個自古君主之國今日忽然改做共和怕諸同胞不知共和是什麼國體特叫我來第一件是告訴你們今日國體叫做五族一家人人平等五族是漢滿蒙回藏從前大皇帝時代年平夏天在熱河避暑秋天在圍場打獵又要到多倫諾爾接見內蒙諸王公你們辦皇差迎聖駕已經苦累之極又按班進京當差今日五族共和這些苦都不受了就是佛爺奴才這些話也都免了大總統是什麼人是我們五族同胞公舉的一個都上司官他辦的國家事是替我們五族同胞辦的他對五族人民自稱公僕就像人民僱募的一般做一天總統就做一天的事做的事皆是做國利民福的事人民對大總統却要當做君主看待大小各官皆受他命令聽他的指揮又却與專制君主不同都要依着憲法做事一絲不能專制幾年一任任滿時若舉到蒙古人做大總統也是這樣今日阿王喀拉沁王一個管理崇文門稅務一個做蒙藏局的總裁既是一家皆是一樣就是對滿族回族藏族的同胞也皆是一樣這就是五族共和國的國體第二因從前清國出了壞人不信

佛教把廟宇佔了和尚趕了和尚就是你們的喇嘛他那知道中國在漢朝就是  
行佛教的國所以到今日中國人還叫做漢人蒙古直到元朝繼行佛教若是朝  
廷不信佛教是漢人寒心蒙古也就寒心所以纔請大總統出來辦事皆因大總  
統是個好人更是極尊崇佛教的人章嘉呼圖克圖來加封宏濟光明尊號甘珠  
爾瓦呼圖克圖來加封圓通普慧尊號皆送銀一萬圓佛人有光蒙古人皆有光  
就是我們信佛教的人也都有光第三因東二旗內蒙裏有受人煽惑的與兵內  
犯圍困洮南蒙兵裏又有馬賊陶什陶十分强悍國家不過派了幾個隊伍就將  
他打跑烏泰的家也沒了大總統深怕兵士殺害蒙人一面嚴禁一面傳諭凡有  
從亂蒙人招撫回家其昔日財產分毫不許損害大總統的意思念蒙古皆是同  
胞事做錯了不能不許其改悔你們看大總統寬厚不寬厚我們五族人公舉他  
舉的錯不錯再有外蒙古也是受了人的煽惑好好的要獨立一獨立就爲人所  
滅法國滅安南日本滅朝鮮皆是先叫他獨立從前外蒙古爲準噶爾所滅中國  
爲他滅了準部保存他的國土此後再斷沒有人出來替他保存了我來道還不  
能親向他說煩你們轉將此話告訴他奉託奉託爲此佈告

中 華 民 國 元 年

月

日

呈國務院  
蒙藏局  
公函

總理  
成

台鑒敬啟者頃探聞開魯事變啟釁之由係因押荒應

結蒙人半價並應入之租稅被官長吞沒憤極思逞匪人從  
中擾亂以致官逃民散不易收拾現在辦法似宜一面派兵  
分別良莠剿撫兼施以靖匪徒一面派員會同東西翁牛特  
盟長秉公查辦以清積弊方爲釜底抽薪之計否則兵力所  
至雖卽一時解散而根本上未能解決善後終非易易現在  
毗連該縣各旗蒙漢人民互生疑慮漸啟仇殺之機而敗兵  
沿途焚燒蒙古廟宇及殺害蒙人之事亦所不免倘不亟爲  
維持恐延及隣境一經潰裂更難收功

鍾岱

訪聞有據當已

函電互發請熱河都統體察情形速行設法辦理尙祈

總

理

鑒核迅速相機酌辦以維大局

鍾岱

爲顧全全蒙起見

是否有當伏候

卓裁敬請

公安

呈

大總統  
國務院  
蒙藏局

請取銷直隸劃分蒙漢管轄議案稿

敬啟者十一月二十二日准喀喇沁王旗護印協理希哩薩喇移稱爲據情轉電事敝旗蒙漢代表朝魯長安郭中和劉振風吳鳳山白音圖張雲祥郭縉之朱開山劉彬代表全體請願書稱近聞順直省議會呈請參議院熱河都統專管蒙旗一案原文謂都統不受監督故願劃歸直督專轄云云竊思漢民恐受行政官專橫蒙民何獨應受取專橫現今五族共和欲利平等是否應取大衆主義抑或從少數人之武斷查旗屬蒙漢實情只可專求融和萬不可離間且卓昭兩盟並無議員在順直省議會何得以數人私見率爲更動致生

將來無窮之患祈轉電

大總統俯念兩盟治安堅持慎重勿輕更張以安人心保全大局不第本地蒙漢之幸亦民國前途之幸等情據此相應移請貴慰問使查照轉電

大總統察核示覆以便轉知 啟 旗蒙漢全體遵照可也等因查卓索圖蒙旗風氣素稱開通早有贊成共和知識於地方自治一切事宜均係聯絡蒙漢一體辦理感情頗稱融洽近聞此案發生頗不免涉疑慮查民國以五族共和爲主體本無歧視蒙漢之見茲若果將蒙民專歸熱河都統管轄而將漢民劃歸直督是雖無歧視之心而顯有歧視之迹此在專

制時代亦非政體所宜况現在主張共和如此變史實慮蒙  
漢人民因此轉生意見殊于共和前途大有妨碍鍾岱愚見  
竊謂此案如果屬實于辦理蒙旗事宜關係非淺是以先由  
漾電密

聞茲再詳陳敬候

鑒核

鍾岱

現已行抵喀喇沁王府地方尙屬安謐擬暫住三

二日與該旗人員接洽後即行啟程前進知關

塵系特併附陳敬請

公安



致熱河道台王函

恩溥仁兄觀察閣下前肅謝函諒邀

惠鑒頃弟已行至漢公府地方小住一日即復啟程前進茲  
啟者漢公談及各處旗租向多抗延亦不按糧盤市價估交  
囑爲函致地方官出示督催並開具糧盤市價一紙擬請飭  
平泉州發給告示十六張貼粘本旗租倉十三所及黃土梁  
子三家湖池溝各處弟思此事雖係漢公府箇人關係然值  
此聯絡感情之際似不妨從其所請轉飭平泉州爲之出示  
辦理可否即請酌之再弟行過樓子店地方聞老爺梁左近  
有馬賊十餘人在該處放圍劫掠馱子並聞馬七營子及董

來店蒿松溝等處均有馬賊蹤跡約共七八十人或謂賊目  
係鮑閣王或謂係楊統領或謂係謝文友未知孰是大抵該  
匪等均係著名巨匪亟宜緝除以靖地方也又聞開魯之事  
實因地方官差役平素苛虐敲詐積忿已久此次有難民經  
過因爭索車輛爲該旗官人槍斃誣告係該旗協理所爲遂  
致激變啟衅而匪人從而乘機肆擾並聞此次海留王旂派  
往各處聯絡蒙漢之蒙人爲富民滕崗懷疑槍斃而滕崗轉  
捏稱該旗王造反以稟告地方官似此顛倒是非若不徹底  
查究恐辦理稍不得法蒙事益生枝節以上所聞前已函致  
熱河都統與茲稍異特並附及敬請 勛安

致熱河都統公函

叔泉都護台鑒敬啟者弟由喀喇沁王旗起行經過地方馬賊充斥見聞不鮮訪諸蒙漢紳民咸稱此等馬賊皆係積慣爲匪而警務廢弛不能認真緝捕間有鄉董緝獲之匪又往往未能嚴厲懲辦或有狡供獲縱益復無忌鄉民憚于結怨尤多隱忍不言徒懷惶懼弟到處延訪實有所聞而尤以黑城子一帶匪蹤爲最夥查有于江王鳳義劉九江德等或係招降馬賊已經歸營仍復潛縱手下黨羽爲匪或係招降後又復充當馬賊橫行滋擾又有變兵頭目王和杜文等亦各二三十人爲羣在黑城子一帶搶掠若不嚴行緝辦擾害居

民不得安處其強悍者久必相率爲匪勾結日多恐成巨患  
况現值開魯亂事未定人心惶恐尤宜嚴肅懲創以儆匪徒  
而靖地方弟見聞既確不敢不據實以

聞再聞朝陽劣紳有把持公事顛倒是非以致警察善政轉  
爲地方之害者此君係十年前錫清帥在熱曾經拒絕之人  
似應仍行斥退以昭儆戒愚見所及並祈分別酌核爲禱敬

請

公安

咨熱河都統轉綏東商會稟

爲咨行事據綏東縣商務分會城董事會總董陳春津商董  
衛明倫蘇存城議事會議長郝守荃第一區區官姜聯儒暨  
闔街商民等稟稱本年五月一號駐綏練軍兵變勾通鬍匪  
周糊塗等搶燒商民各戶四十餘家曾經該會董等指明叛  
兵田種玉等十二人尤爲最惡稟請各大憲懲辦並求撫卹  
在案現聞所指叛兵均已收撫回營商民含冤未雪情實難  
甘稟請認真究懲并懇轉呈

大總統設法撫卹等情前來查五月間駐綏練軍變兵既經  
該商民等指稱有名之人自無准其仍行招撫回營之理聞